



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De eadem re. lx.

urn:nbn:de:hbz:466:1-10722

De eadem re. Cap. LVI.

SI quis per necessitatem furatus fuerit cibaria, vel vestē, vel pecus propter famem, aut per nuditatem, pœniteat hebdomadas tres: si reddiderit, non cogatur ieiunare.

Ex pœnitentiâ
Theodo-
ri.

De eadem re. Cap. LVII.

NAM si quis publicam rapinam, seu furtum fecerit, publicam inde agat pœnitentiam, iuxta sanctorum canonum sanctiones. Si verò occultè, sacerdotum consilio pœniteat: quoniã raptores, vt Apostolus ait, nisi inde veram egerint pœnitentiam, regnum Dei non possidebunt. Qui verò de rebus Ecclesiarum aliquid abstulerit, grauius iudicetur: quia quauis vltio furum, & raptorum, ad comites respiciat, pœnitentia tamen ad episcopos pertinet.

Ex cõcil.
Aurelia.
cap. 8.

De eadem re. Cap. LVIII.

SI quis furtum capitale commiserit, id est, quadrupedia tulerit, vel casas effregerit, septem annos pœniteat: & quod furatum est, reddat. Si quis verò de minoribus semel aut bis furtum fecerit, reddat quod tulit, & annum vnum pœniteat, vel si quis sepulchrū violauerit, VII. annos pœniteat, tres ex his in pane & aqua.

Ex pœnitentiâ
Theodo-
ri.

De eadem re. Cap. LIX.

VRres & latrones, si in furando & prædâdo occiduntur, visum est pro eis non orandum. Si cõprehensi, aut vulnerati, presbytero, vel diacono confessi fuerint, communionem eis non negamus.

Ex cõcil.
Triburi.
cap. 5.

De eadem re. Cap. LX.

SI fur aut latro captus in præda, absque occasione potest apprehendi, & tamen interficitur: quia ad imaginem Dei creati, & in nomine eius baptizati sunt, interfectores eorum XL. diebus non intrent Ecclesiam: lanea veste induti, ab escis & potibus, qui interdicti sunt à thoro, à gladio, & equitatu se abstineant. In III. V. feria, & sabbato, aliquo genere leguminum, vel holerum, & pomis, par uisq; pisciculis cum mediocri ceruisia vicissim vtantur & temperatè. Sin autem à veridicis comprobatur testibus, quod sine odii meditatione se, suaque liberando diaboli mem-

Ex cõcil.
Aurelia.
cap. 1.

bra interficiunt, & capi non poterant, pœnitentiã pro homicidio eis iniungimus, nisi ipsi voluerint aliquid quod humanitatis est facere: & si presbyter est, nõ deponatur, ceteris tamen vitæ suæ diebus pœnitentiã agat.

De eadem re. Cap. LXI.

In Exodo dicitur.

SI infringens fur domum, siue effodiens fuerit inuentus, & accepto vulnere mortuus fuerit, percussor nõ erit reus sanguinis. Quod si orto sole fecerit, homicidiũ perpetravit, & ipse morietur. Si non habuerit quod pro furto reddat, venundabitur. Si inuentum fuerit apud eum quod furatus est, viuens, siue bos, siue asinus, siue ovis, duplum restituet.

De seruo qui fugerit dominum suum. Caput LXII.

Ex epist. Hierony.

EX epistola Hieronymi, ad Pacasium Alexandrinum. De seruo qui fugerit dominum suum interrogabas, ille in illa fuga mortuus fuerit, vtrum liceret pro eo curare, an non. Hoc in diuinis libris non inuenimus prohibitum, sed tamen scimus ab apostolis firmiter præceptum, vt serui subditi sint in omni timore dominis: non tantum bonis & modestis, sed etiam discolis. Et in Gangreli concilio ita scriptum est: Si quis seruum sub prætextu doli cultus doceat dominum proprium contemnere, vt detur ab eius obsequio, anathema sit. Vnde datur intelligi, quod si ille anathema meruit, qui docet seruum proprium dominum contemnere, & ab eius obsequio recedere, quanto magis ille qui dominum spernit, & eius seruitio se non noluerit? Sed tamẽ distantia est inter illum qui per superbiam fecerit, & illum qui per necessitatem coactus crudelitate domini sui.

De clericis, si in demoliendis sepulchris comprehensi fuerint. Cap. LXIII.

Ex cõcil. Toletan. s. ca. 45.

SI quis clericus in demoliendis sepulchris fuerit deprehensus: quia facinus hoc pro sacrilegio legibus publicis sanguine vindicatur, oportet in tali scelere proditum, & hereticarum ordine submoueri, & pœnitentiã triennio deputari.

De clericis aut monachis, si furtum fecerint. Caput LXIIII.

Ex cõcil. Agathẽ. cap. 2.

SI quis clericus aut monachus furtum fecerit, quod potius sacrilegium dici potest, id censuimus ordinari.